

11/01/21/21

African National Congress

P.O. BOX 2239 DAR ES SALAAM TANZANIA TELEPHONE 28031 Telex 41462

THE SANCTIONS CAMPAIGN

Ebutsheni bale veki siyiqukumbelayo, iinkokheli ezimbini eMzantsi Afrika ziqale ukhenketho lwamazwe apheya. Usekela-mongameli we ANC uComrade Nelson Mandela, undulukile, wenjenjeya, wasinga eJapan nase Bhritane. Ukanti ke kwelinye icala, uFrederick de Klerk ujongise umbombo eBhritane, eIreland nase Denmark.

Olu khenketho, luka kanye emva kokuba amazwe asentshonalanga aziwa ngokuba yi European Economic Community, okanye ke iEEC ngokufutshane, egqibe ekubeni luphele ukwayo lorhulumente wamabhulu kwezo qoqqqho. La mazwe ade akhankanya nento yokuba sele ngaqala ngoku ukurhweba noMzantsi Afrika, khon'ukuze athenge amalahle aveliswa kwiidolophu ezifana ne Vryheid ne Dundee.

Ingongo yokhenketho luka de Klerk kukukhuthaza la mazwe, khon'ukuze aqhube nokubhangiswa kweesanctions. Uwaxelela ukuba zininzi iinguqulelo ezenzekileyo phantsi korhulumente wakhe, kangangokuba akudekho mfuneko yazo ezi sanctions. Kwelinye icala, uComrade Nelson Mandela uzama ukubonisa ukuba yonke laanto yenziwe ngumbuso wamabhulu, ayinakuze ichazwe nje ngenyathelo elibonisa ukuphanziswa kwe apartheid. Uzama ukubonisa ukuba yinkwambisa yonke le nto.

Yintoni kanye kanye le yenziwe ngu de Klerk, selifunisa into yokuba amazwe asentshonalanga aluqale phantsi urhwebo noMzantsi Afrika? Siyakukhumbula ukuba ekubeni ude Klerk engene ezihlangwini zika Botha, naye walandela ekhondweni lalowo umandulelayo. Wathi abantu abantu nabo bovunyelwa ukuba basebenzise iihotele, iinkanti neembarha ezisetyenziswa ngabelungu. Imibhalo ethi Slegs Blankes-Whites Only - Abamhlophe bodwa, yada yasuswa elwandle nakwamanye amaqula ayekade esetyenziswa ngabamhlophe kuphela. Kwade ke kwathiwa ukuba ngaba ~~umkhopho~~ uzibambe isinqanda-mathe esimhlophe, akasayi kuvalelwa nje ngangaphambili.

Enyanisweni ke, oosokhetye abangazanga baphela. Ngaphandle kwamathandabuzo, ude Klerk ngomnye wabo. Bangathini abantu abamnyama ukuthi bekhaha ngokuphanziswa kwengcinezelo, babe bexelelwa ngokusela iLion Laager ezimbarheni eziphakathi edolophini? Ukuba ngaba siyayifuna iLion Laager singayisela nasezishibinini zethu ezilokishini. Baninzi abantu asele bephukukene nobomi babo emadabini enkululeko.

African National Congress

P.O. BOX 2239 DAR ES SALAAM TANZANIA TELEPHONE 28031 Telex 41462

Amathambo abo angarhashaza emangcwabeni ukuba ngaba bangayiva into yokuba kanti ngalo lonke elixesha ~~kunxax~~ bebenquzulana notshaba, bebesilwela ukuphuza abafazi babelungu. Ikhe ithi imveku yakutsho ngesimbonono esingapheliyo, unina engayiqondi eyona nto ayifunayo, ayifak'idami emlonyeni. Nayo ke iyakuthula ithi tu, atsho nonina achwayite kuba uNgqayimbana uyekile ukufundekela, etshweda into engaphele ndawo. Ude Klerk wenza njalo kanye, usibetha ngemf'iphindi^{we} Phofu ke xa sele sithetha inyaniso emsulwa, amabhulu akukho nto ayibonayo xa abona umntu omnyama, ngaphandle kokubona isityhifili sesityhakala. Phofu ke ude Klerk uyabaxelela abelungu baphesheya ukuba hayi ke ngoku, laa nto kuthiwa yi apartheid, iphele nya, ayibonakali nange tshengele. Abo ke bacinga ukuba iapartheid kukungabinasithandwa somlungu, okanye ke kukungaqubhi kunye nabo elwandle, bayakumkholelwa ude Klerk xa thi, hayi iphele yonke loo nto ngoku. Sijongile nje, ngathi abaya be EEC, abanalo nofifi lokuba yinto na kanye kanye le apartheid. Bayazimfamekisa ke xa setheth'inyaniso.

Apho eJapan~~a~~ naseNgilane, umaginyinyathi neempondo, uMandela, uzama ukuchaza ukuba inkqubo yocalu-calulo isaphelele. Masikhumbuleni ukuba, umbutho wezizwe ezimanyeneyo eNew York, awuzange uthi amabhulu makakwaywe ngenxa yokuba ehgabavumeli abamnyama ukuba baqubhe maquleni manye nabelungu. Imibutho yabalweli benkululeko baseMzantsi Afrika, yiyo eyaxelela umbutho wezizwe ezimanyeneyo ukuba umntu omnyama wohluthelwa ubuzwe bakhe nelizwe lakhe. Thina singabantu homthonyama, kodwa asinazwi embusweni kwalapha elizweni lethu. Sicinezwe ligcuntswana labamhlophe, elisityisa ngemiththo engqwabalala, esingakhange sithabathe nxaxheba ekuyiqulunqeni- Imibutho yenkululeko isemi ngxixwelo, ayikatyeki nakancinane. Ithi kuyakuthi ukuze kulunge eMzantsi Afrika, amaAfrika azilawule ngokwawo elizweni ~~kakwa~~ lawo lokuzalwa. Uninzi lwabantu baseMzantsi Afrika, alunavoti, alukabi nazwi embusweni. Yile meko uMandela ayichazayo ke le kolukhenketho lwamazwe asempumalanga nasentshonalanga. Kunjalo nje, ukwachaza ukuba ndaweni yokuba amabhulu aphanzise iapartheid, athetha ngeen^{h_n} tele namaq^{h_n}la.

African National Congress

P.O. BOX 2239 DAR ES SALAAM TANZANIA TELEPHONE 28031 Telex 41462

Kwakhona, namhlanje kuqhubeka imilo engaphele ndawo phaya ezixekweni zabantsundu. Ngaphandle kwamathandabuzo, amabhulu ngawo aphembelela yonke le nto. Iingxelo zibika ukuba abhala iincwadi ezibhalela iinkokheli zabantsundu, esithi mazahlukane ne ANC. Ezi ncwadi zisayinzwe ngathi zivela kwi Nkatha. Eyona njongo yamabhulu kukuba lungapheli olukhwembe-khwembe luqhubeka phaya kwiitownships. Yiyo ke le apartheid athi iphelile ude Klerk.

Abantu abafana noDouglas Heard wase Bhritane, sebefuna ukutyelela eMzantsi Afrika besithi bafuna ukuza kuzibonela ukuba uhambe kangakanani na ude Klerk nokuphelisa inkqubo ye apartheid. Kucacile ukuba urhulumente waBhritane akazithathele ngqalelo izikhalo nezimvo zabantu abamnyama. Yiyo nje le nto uDouglas Heard azakuya eMzantsi Afrika kwezi nyanga zibalwa zizayo. Inye kuphela into esingayilindelayo emva kokuba uMebhala wezangaphandle eBhritane uDouglas Head eye eMzantsi Afrika, kukuba ancome athi i-apartheid ingowatywe. Kodwa ke, kudala siyiva loo ntetho. ~~Law~~ Kungathiwa ingowatywe njani abantu abamnyama bengekazilawuli eZweni labo lokuzalwa?

Iisactions zihlanganisa yonke into, efana nokuza kweemvumi zapheshaya zize kuntyiloza eMzantsi Afrika. Ukuba ngaba ayikapheki inkqubo ye apartheid, akukho mfuneko yakuza kwezo mvumi, kungekho namfuneko yokuba kuze abadlali baphesheya besoka, beqakamba nombhoxo, beze kwela kuthi, ukuba ngaba amabhulu akakawunikezeli ebantwini belizwe umbuso.

Kudala sayibona into yokuba amabhulu eba kunye negusha. Xa uthethe wancama nebhulu lingaphuliphuli, akusekho nto yimbi eseleyo ngaphandle kokuba kuqhum'irhuluwa, olona lwimi aluwa naluqonda bhetele amabhulu. Ukukwaywa kombuso wamabhulu yinto esikwaziyo nathi ukuyenza. Kule minyaka imbalwa idlulileyo, abantu abantsundu bebekwaya iivenkile zabamhlophe abahambisana notshaba kwakunye ~~nax~~ nezabanye abamnyama ~~ababambisana notshaba~~ ^{abasebenzela amabhulu}. Ukukwaywa kwamashishini amabhulu ngabantu phakathi eMzantsi Afrika kwakunye nangabantu bamazwe ngamazwe, kuyakukugawulezisa ukuwa kotshaba.